

據明·過庭訓纂集影印
明天啓二年刊本

本(明)朝分省人物考

一二五卷
附索引

(五)

成文出版社有限公司印行



数据加载失败，请稍后重试！



数据加载失败，请稍后重试！

人物考卷之五十三目錄

浙江金華府二

章懋

趙艮

鄭錡

趙年

王汶

盧格

姜芳

謝愷

黃傳

徐沂

童品

章拯

童俊

潘希曾

王坡

徐讚

盧煦

李滄

應典

張大輪

陸震

唐龍

戚雄

姜網

邵幽

楊言

胡森

應璋

董遵

附董暈

凌瀚

金江

趙崇善

虞守愚

楊祐

章适

馮亮

程文德

趙祖元

吳百朋

張元諭

吳廉

周煥

李珙

徐用光

胡節

龔曇

戴升

朱助

潘琢

唐熊

黃裳

朱勝

胡榮

王宗聖

朱環

汪灌

石南
徐文敏

胡擇

王晁

陸璫

朱方

王世名

補遺

童存德

趙志臯

陸可教

人物考卷之五十三目錄終

本朝分省人物考卷之五十三

浙江金華府

二

章懋

章懋字德懋蘭谿縣人成化丙戌會試第一選翰林院庶吉士授編修甫四十日偕同官黃孔昭莊定山論上元烟火非是謫臨武知縣先是一峰羅倫論首相不當奪情亦謫時稱翰林四諫官毛給諫弘陳御史壯論救拔改南京大理寺評事遷福建按察司僉事三年疏致仕去尹冢宰旻固留不可三詰而終不變時年四十一人以爲難旣歸甘貧守道奉親外門

門讀書體認實學而言必根志志必先用用必副功
提挈綱要所得益深士風爲之一變來學者衆至不
能容當時白沙一峰定山皆極推與弘治十四年南
北闕祭酒倪冢宰岳起謝公鐸於北懋於南時未終
制詔虛位以待令吏侍楊守阯常卿李旻署監事十
六年就官凡所開示若無奇論比論天下古今事及
五經理道若寸挺撞鐘大小叩應手而鳴有疏勸勤
聖學重詔令敬天戒隆繼述謹大婚兩乞致仕 溫
旨免留正德三年三疏請老歸後起南京太常寺卿
辭進禮部侍郎又辭旣致仕儉壬鼓奸綱常易故縉

紳羅毒在 宗社亦爲之搖獨明炳幾先而憂先在
位者蓋炳炳然江西之寇陷浙江乃移縣城矮屋三
間左寢右爨門垣不能備侍御鮮冕張縉給諫徐文
溥劉蒞時疏舊學耆德表以風世詔加存問十六年
世廟入正大統再用言者薦加南京禮部尚書致仕
報至已在牀褥曰噫無以爲報也疾亟與林守有年
論古今事與姪贊論君大夫保天下國家之本未旦
故居之前星隕申乃化辛巳除夕也壽八十六仕籍
幾六十年官僅三考立朝僅四十日城府不見其迹
者四十餘年卒贈太子少保謚文懿國史稱其志行

高潔自少潛心大業居常不爲異同至臨大事決大議則據經援史確乎不易百凡嗜好一不入其心難進易退之節世尤高之

趙良

趙良字時中永康人成化己丑進士授給事中鯁介敢言因災異陳謹天戒重國本卹民艱鎮邊境四事忤旨杖于廷幾斃是歲宮媵所生子才兩歲左右請立爲太子良抗疏力諫止之及孝廟正位東宮請簡正人爲師保以職輔導良滿九年考陞本科都給事中先是重臣王越被劾銜之嚙于中官汪直誣以

言事不謫誦四川廬山令弘治改元擢江西按察司僉事陞副使卒于官

鄭 錡

鄭錡字威甫號聽菴蘭谿縣人也自幼刻厲學問根據理奧博宗子史登成化乙未進士任靖江令專務以平易立政德教道民執母喪歸靖人勒像而尸祝之乞恩致仕不復出嘗與楓山同脩蘭谿縣志所著有聽菴稿子瓘字溫卿由成化丁酉鄉薦授閩縣訓導庚戌登進士令長洲遇事英發言論亦多過激與時不諧陞楚雄通判致仕所著有道德經陰符經正

解禮儀纂通蛙鳴集等書藏于家

趙年

趙年字有年初補蘭邑庠生因湯溪初設縣撥補湯溪縣學生成化甲午順浙江鄉薦登乙未進士授行人屢奉命行祀事于諸王府凡饋遺一無所受在陝西值歲大歉減廩餼爲藩臬諸臣倡以賑民饑全活甚衆陞工部營膳司員外監本部廠宿弊除革殆盡中貴憚之差監蕪湖木稅歲積羨餘且萬金悉歸之公帑代還管理五城九門事執法嚴正不可犯人目之爲趙鐵面云又轉都水司郎中適中貴有希旨

將於衢州府織造金龍絹者業已成年聞之卽抗疏
極言不可 上允其奏自是中貴伺其闕失弗可得
誣以鬻所乘馬多索價值下 詔獄終不少屈以求
免竟坐除名所著有一得稿碌碌集藏于家

王 汶

王汶字允達義烏人少孤思繼家學讀書極勤苦素
貧能守道自樂登成化戊戌進士第嘗上疏乞就郡
教授奉忠文公祀不遂乃授中書舍人守正不阿甫
三載見有進不以道者恥與爲伍遂謝病歸築精舍
齊山不取累世所藏書讀之若將終身焉弘治改元

兵部主事婁性都御史虞瑤交薦於朝遂與翰林檢討陳獻章同被召汶猶力辭侍講學士謝鐸祭酒章懋勉之行逾年始就道至淮病偶增劇未抵京師五十里卒因所居齊山學者稱之曰齊山先生所著有齊山文集若干卷藏于家

盧格

盧格字正夫東陽縣人也成化辛丑進士知貴溪廉能有德政丁未夏江西盜起朝命大臣討之以才望檄格率所部民兵以從寬猛適宜兵樂爲用盜平擢監察御史激揚著聲出按廣東以母老辭歸優游林

下數十年恬靜無求尤人所難平生所著有荷亭辯
論若干卷兄楷字中夫自幼英敏天順壬午以春秋
中浙江鄉試第一工詞賦入太學與商文毅輅姚冢
宰夔等爲六會二公亟以倜儻才許焉時祭酒邢讓
陳鑑司業張業以典簿侵饌錢抵罪楷方歷事中書
奮欲救之或曰無益且取罪柰何楷曰師生猶父子
也父旣溺子可懼罪而不號呼以救之乎遂率同監
百餘人伏闕上奏明三人之枉京師咸高其義可
方唐之何蕃云卒年三十四所著有可齋集若干卷

姜芳

姜芳字實夫蘭溪縣人領鄉薦第六任廬陵教諭正身帥物懇懇以文章節義爲訓應聘主考於閩人有以私求舉者峻拒之居父母憂起蕭縣九年考績以文章典雅德器純粹書上考陞大理司務正德間時事日非不得復展平素乞休致臨終能自知其期具衣冠坐以待斃自爲墓志

謝愷

謝愷字舜卿義烏人也由歲貢任叙州府推官擢履清介訊鞠明允弘治戊申蜀大歉奉勅賑恤多所全活時盜賊縱橫招徠安集民大感悅撫按交薦於